

նոր և գեղեցիկ, ի յոյս մեծ և գերազանց, ի յոյս առաւելագոյն բարեաց փառաւորութեանցն, անբաւ ուրախութեամբ սրտից խրախուսանօք թեւակոխել, և զպղատիրական վաստակս մեծի Հայրապետիդ երախտագէտ հօգուով ի փող աւագափող ներբողինել, Ահա այսօր ամբարձնալ Վեհիդ ի պատկառելի գահ Հայրապետութեան, և ի բարեյաջող շրջանս Զորորդ Տարեդարձի նուիրական սուրբ Օծմանդ ժամանեալ՝ ազգասիրական ներկայ գործք Զեր և ջանք ի մեծամեծ բարիս և ի շահեկան պտուղս վաստակոց եղերելով՝ զպառնեացն՝ սիրելի ազգայնոց մերոց, զհաստատուն յոյս և զակնկալութիւն վսեմախոհ խորհրդովք տան պսակել պանծանօք, զի բնական են այսդրիկ շարժառիթք, զի չիք երբէք յղութիւն առանց ցաւակցական երկանց, և չիք կասկածելի երկունք առանց ուրախական ծննդեան, եթէ ներքին զգացմամբ հօգույ՝ ճշմարտութեամբ հայեցութիւն յայս նշան նշանաւոր:

Ապա ուրեմն զի՞նչ արդեօք մնայ մեզ համահմանեցոյս աստանօր կատարել ո՞ր պատուարժան Տեսալք հանդիսականք, եթէ ոչ փառս յաւերժական յարգանաց մատուցանելով Արժանաւոր Գլխոյ Հայկազնանս սերնդոց՝ փութալ ի շնորհաւորութիւն նշանաւոր Տարեդարձի Սրբազան Օծման ազգականամ Այցելուի մերում, և ի նուիրումն սրտից մերոց և հօգւոց եռանդուն մաղթանաց առ բարձրեալն Աստուած, և կոչել համասիրտ ձայնարկութեամբ, Թագաւորդ երկնաւոր Տէր Բրիստոս, զարժանաժառանգ սրբոյ Գահիս և մեծի տանս Թորգոմեան զՏէր Գէորգ Գ զՍրբազնագոյն և զՎեհափառ Հայրապետն մեր օրհնեալ և պահպանեալ ընդ հովանաւորութեամբ Ամենազօր Աջոյդ բարձրելոյ, անփորձ և անսասան կենօք, բարեբնիկ և խաղաղաւետ աւուրբք, իմաստուն և պայծառ մտօք և հօգուով, հսկող և խոհական կառավարութեամբք ի յաւերժական ուրախութիւնս և ի պարծանս ընդհանրութեան Ազգիս Հայոց:

Յարութիւն Տ. Խաչեանց:

Ի ՏՕՆԻ ԿԵԹՈՎԻԿԷ

Ս. ԷԶՄԻԱՄՆԻ.

(Ի Մարտի)

ԱՍՏՈՒԱԾԸՆՏԻՐ ՎԵՀԱՓԱՌ ՏԷՐ

ՍՐԲԱԶՆԱԳՈՅՆ ՔԱՀԱՆԱՅԱԳԵՏ:

Անեղն անսահման, որոյ Աթոռ զերկինս և պատուանդան ոտից նորա զերկիր հօգուին մեզ քա. րոզէ Մարգարէն՝ ի ցոյց անհուն մարգասիրութեան իւրոյ գեր զարեգակնաճաճանշ լուսով բնութեաց զտեղի բնակութեան իւրոյ ի Հայաստան աշխարհի, զտեղի Մօրս լուսոյ նորոյս սիրովն, յորում սահմանափակի Անսահմանն ի սէր արարչական զթութեան առ ազգս համօրէն ազանց և առ Թորգոմեանս, յայտնեալ զփառս Աստուածութեան իւրոյ և զմեծ վայելչութիւն սրբութեան Տաճարիս, զոր ոչ եթէ Բնակելէ ոմն արար և կառոյց, որպէս զտապանակն ուխտի, և կամ ծերունին նոյ որպէս զտապանն ապրեցուցիչ ընդ հրամանին՝ օրինակացն խելամուտ լինելով, այլ ծոցածին ծնունդն իսկակից Հօր և փառակից սուրբ Հոգւոյն իջեալ յերկնից ինքնին ճարտարապետ եղև անզրդուելի հիմանս սրբոյ Եկեղեցոյս այսօրիկ, ոյր վասն Եջմիածին անուանեցաւ. որ ի տիպ կարակնաճև լուսոյ եցոյց զսա բնակարան ամենասուրբ եռանձնեայ Աստուածութեան և մակաղեւորդ բանաւոր հօտին իւրոյ գնեցելոյ արեամբն անպարտականաւ ի ձեռն գերեջանիկ պարթևի եռամեծին Գրիգորի սքանչելի սուրբ նահատակին իւրոյ, որ նովին գերահրաշ տեսեամբ ի հոգեռանդն սէր վառեալ ասէ ցարբայն հրաշիւք փրկեալն և հաւատացեալն ցուրբն Տրդատ Վեհալք շինեցութիւն սուրբ զխորանն լուսոյ. քանզի ի սմա ծագեաց մեզ յոյս ի Հայաստան աշխարհի, զոր և Աստուածախօս քնարն Գաւթի կանխատեսեալ և ի սէր նորին համակեալ ասէր. Տէր սիրեցի զվայելչութիւն տան քոյ և զտեղի յայկի փառաց քոց:

Ո՞վ մեծի շնորհացն և պարգևացն Աստուծոյ՝ զոր ընկալեալ մեծ Քահանայապետն և Աստուածառաք Լուսաւորիչն մեր, ի տրիտուր երկրտասան

անտանկի և սոսկալի շարշարանացն իւրոց, և զարբայն զդեռահաւատ հաղորդ երկնաւոր շնորհացն արարեալ հանգերձ այլովքն դարձելովք և լուսաւորեցելովք կառոյց պատնէշ հզօրագոյն ընդդէմ խաւարածիդ մեքենայիցն սատանայի. որ ըզհիթանսութիւն ուսուցանէր հեռացելոցն յԱստուծոյ և վտարելոցն ի չարիս, և յօրինեաց պատսպարան մարդկան՝ զխորան վկայութեան Աստուծոյ սուրան և ընտրեալն և կացուցեալն ի Տեսունէ յօրէնս նորա՝ ընդ հզօր Աջակցին իւրոյ գերաշուք վսեմափառ արքային, զլուսանիշ Տաճարս սրբոյ Էջմիածնի, որպէս զօրացան Զօրաբարէլ և Յետու Քահանայն մեծ ի գեղեցկատիպ վերանորոգումն հնոյն Երուսաղէմի:

Արդ՝ երջանիկ է օրս այս և երջանկութիւն ցանկալի ազգիս Հայկազանց. քանզի ի սերկեանս կատարեմք զտօն կառուցման Քրիստոսահիմն և լուսակերտ Մօրս լուսոյ սրբոյ Վաթուղիկէ Էջմիածնի. որ է աղբիւր ջրոյ կենդանւոյ հոսեցելոյ ի դարաստանէն երկնից ի պարտէզս Քրիստոսատունկ անդատանիս, ի բեղմնաւորեալս բանին կենաց, ի տաճարս իմաստութեան ի տաճարս Աստուծոյ կենդանւոյ կառուցեալ ի գնացս Հոգւոյն երկնավտակ շնորհաց: Սա է տեղի և տուն Աստուծոյ. որ զերազանցի քան զՏապան՝ նոյնան, զզարմս Արամեան ի խռովայոյզ հիղելէ մեղաց փրկեալ, և քան զերկիր Աւետեաց պարարտացեալ բլրխելով յինքնէ զկաթն և զմեղր՝ զօրէնս Աստուծոյ և զխորհուրդս աւետեացն երկնաւորաց. և քան զտաճար Սողոմոնեան վայելչացեալ փառօք, յորոյ ի սէր զիղճ և զտենչանս սրտից մերոց վառեալ ընդ մարգարէին աղաչեմք «Տէր սիրեցութք և մեր զվայելչութիւն տան քոյ և զտեղի յարկի փառաց քոց»:

Բարէ. Անհափառ Տէր, նոյն խնամք և սէր մարդասիրութեան Արարչին քաջարթուն դէտ սուրբ եկեղեցւոյն իւրոյ ընտրեալ կարգեաց յԱթոռ բազմաբիրտն սուրբ նահատակին իւրոյ և արժանապատի Քահանայապետին խրահաստատ եկեղեցւոյս զձեզ զԱնհափառ Հայրդ ազգիս Հայոց ի պայծառութիւն սուրբ Տաճարին հիմնելոյն յԱւաքեալսն և ի Մարգարէս, որպէս և նոյն սուրբ եկեղեց յոսմանունքն ի բարեբանութեան

անդ երգեն առ Աստուած «ի վերայ հիման Առաքելոց և Մարգարէից շինեցեր զՔո սուրբ դեկեղեցի, զսա պահեա ի խաղաղութեան», որով զօրացեալք համախմբեալքս ծառայք Աստուած ընտիր Անհափառ Քահանայապետիդ որպէս և համօրէն լրութիւն ազգիս. խնդրեմք յամենախնամ և յառատասիրու մարդասիրութենէ Արարչին Աստուծոյ անշարժ և անասան պահպանել զսուրբ եկեղեցի իւր ի դրանց դժոխոց, ըստ այնմ «և ահաւասիկ ես ընդ Ձեզ եմ զամենայն աւուրս մինչև ի կատարած աշխարհի»: Եւ ինքնապատկ Անհափառ Փեսայիդ նորին տացէ կեանս երկայնս և խաղաղականս հանդերձ ամենայն բարօրութեամբ և առողջութեամբ ի վայելչութիւն իւրակառոյց Տաճարիս և ի պարծանս և ի լուսաւորութիւն ազգիս Հայոց. ամէն:

Ո. Կարապէտ Գլխիճորէան:

Ի 1874 - 4 յ 30 Ն Մայիս

Ի Ս. Էջմիածն:

ՀԱՅՐԵՆԱԿԱՆ ԼԵԶՈՒՆ

ԵՒ

ԿՐԾՆԻ ԻՐԱՒՈՒՆԲ.

Աշխարհիս մէջի այսքան արիւնահեղ պատերազմների պատճառն ի՞նչ է. և ինչո՞ւ համար զուր տեղից իրարի կոտորում են (հարցուց ինձ մի Պարսկաստանցի Հայկազուն երիտասարդ). Ամեն ազգ, և ամեն տէրութիւն իրան մէջ ունի քաղաքական, Ազգային, և Կրօնական իրաւունք. և այն իրաւունքները ամրապնդելու համար՝ հաստատուած են զանազան տեսակ բարեկարգ և օգտակար օրէնքներ, և ուրիշ որ եիցէ տէրութիւն կամ ազգ եթէ հակառակի նոյն իրաւանք՝ այն ժամանակ կը հրատարակուի արիւնահեղ պատերազմ, մինչև որ մէկը միւսին յաղթէ՝ և հաստատուի դաշնակաւոր խաղաղութիւն (պատասխանեցի). բայց այն ազգը որ ոչ քաղաքական իշխանութիւն ունի, ոչ զօրք ունի, և ոչ զօրութիւն, (ինչպէս է մեր ազգը), միթէ պարտաւոր-